



Broj: 06-11-97/22-3
Ilidža, 28.03.2022.godine

Na osnovu člana 70., Zakona o javnim nabavkama BiH («Službeni glasnik BiH» broj 39/14), člana 8. stav (2) Pravilnika o uspostavljanju i radu Komisija za javne nabavke („Službene novine BiH”, broj 103/14), te na osnovu Zapisnika o pregledu i ocjeni ponuda broj: 06-11-97/22-2 od 24.03.2022.godine, Općinski načelnik donosi

O D L U K U O IZBORU NAJPOVOLJNIJEG PONUĐAČA ZA JAVNU NABAVKU BROJ 06/22

I

Prihvata se preporuka Komisije za javne nabavke za JN 06/22 "Sanacija krova na objektu kolektivnog stanovanja u ulici Sabita Užičanina broj 24-26" kojom se ponuda ponuđača ZZ GROS-COMP, ul. Hadželi 8, Hadžići, proglašava najpovoljnijom.

II

Obavezuje se ponuđač da u roku od pet dana od dana prijema ove Odluke Ugovornom organu dostavi dokumentaciju, shodno članu 45. Stav (2) Zakona o javnim nabavkama.

III

Po pravosnažnosti ove Odluke, Ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima Ugovornog organa navedenim u otvorenom postupku.

IV

Istovremeno sa dostavljanjem ove Odluke ponuđačima, ista će se objaviti na web stranici Ugovornog organa.

O b r a z l o ž e n j e

Postupak javne nabavke broj 06/22 "Sanacija krova na objektu kolektivnog stanovanja u ulici Sabita Užičanina broj 24-26" putem otvorenog postupka pokrenut je Odlukom o pokretanju postupka nabavke broj: 06-11-97/22 od 28.01.2022.godine. Javna nabavka objavljena je na portalu javnih nabavki brojem obavještenja 888-1-3-32-3-18/22 od 08.02.2022. Do datuma određenog kao krajnji rok za prijem ponuda, pristigle su slijedeće ponude:

Rbr.	Broj protokola	Naziv/ Ime ponuđača	Ukupna cijena ponude (bez PDV-a)
1.	06-3686/22	DULJEVIĆ d.o.o., Vreoca 59	64.540,49
2.	06-3788/22	ZZ GROS-COMP, Hadželi 8	44.479,00
3.	06-3886/22	GALBOS d.o.o., Milana Preloga 19	53.334,82
4.	06-3939/22	DINALSA d.o.o., Huseina Đoze 3	41.734,88



Ponude ponuđača DULJEVIĆ doo, GALBOLS doo i DINALSA doo su odbijene iz sljedećih razloga:

Ponuđač DULJEVIĆ doo je dostavio ponudu koja nije uvezana na način da se onemogući naknadno vađenje i umetanje listova. Ponuđač je dostavio ponudu koja je uvezana jemstvenikom ali je jemstvenik zalijepljen običnom ljepljivom trakom (selotejpom) na kojoj nije otisnut pečat ponuđača. Ponuđač je propustio i da numerise ponudu kao i da dostavi dokaz tražen tačkom 10.2.1 Tenderske dokumentacije odnosno da dostavi izvod iz iz odgovarajućeg profesionalnog ili drugog registra zemlje u kojoj su registrirani za obavljanje profesionalne djelatnosti, koje je u vezi s predmetom nabavke ili posebnu izjavu/potvrdu nadležnog organa kojom se dokazuje njihovo pravo da obavljaju profesionalnu djelatnost.

Ponuđač GALBOLS doo nije dostavio valjan dokaz da ispunjava uslov iz tačke 10.4 Tenderske dokumentacije kojim je zahtjevano da ponuđač mora imati u stalnom radnom odnosu zaposlenog diplomiranog inženjera građevine ili arhitekture sa položenim stručnim ispitom i 5 godina rada u struci. Ponuđač je dostavio diplomu za diplomiranog inženjera građevine koji je stalno zaposlen kod ponuđača u kojoj je navedeno da je imenovano lice diplomiralo 21.04.2017 godine tako da je vidljivo da diplomirani inženjer nema 5 godina rada u struci kak oje traženo Tenderskom dokumentacijom.

Ponuđač DINALSA doo je dostavio ponudu koja nije uvezana na način da se onemogući naknadno vađenje i umetanje listova. Ponuđač je dostavio ponudu koja je uvezana jemstvenikom ali je jemstvenik zalijepljen običnom naljepnicom na kojoj nije otisnut pečat ponuđača, tako da nije onemogućeno naknadno vađenje i umetanje listova.

Nakon pregleda i analize ponude Komisija je ocijenila da ponuda ponuđača ZZ GROS-COMP, Hadželi 8, Hadžići ispunjava sve uvjete tražene tenderskom dokumenacijom. Cijeneći navedeno odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem ugovornog organa u roku od 10 (deset) dana od dana prijema odluke. Žalba se podnosi u pisanoj formi u 3 (tri) primjerka.

DOSTAVLJENO:

- 1x Ponuđačima 4x
- 1x Služba za finansije
- 1x Stručna služba - Kabinet Opć.načelnika
- 1x Stručna služba za zajedničke poslove (za objavu na web)
- 1x a/a

OPĆINSKI NAČELNIK

Nermin Muzur, magistar uprave

